



Gradska služba za privredu, budžet i finansije

Broj: 07-20-8/20

Gradačac, 15.06.2020. godine

Gradsko vijeće Gradačac

PREDMET: Informacija

U vezi Zaključka Gradskog vijeća Grada Gradačac, broj 01-04-126/20 od 21.05.2020.godine dostavljamo slijedeću Informaciju:

Na području Grada Gradačac tokom protekle sezone a i uproljeće tokom ove godine registrovan je znatno veći broj divljih svinja u odnosu na broj propisan Lovnoprivrednom osnovom za lovište Gradašnica 2017-2027.

Ovakva brojnost divljih svinja je prvenstveno uzrokovana nemogućnošću izvršenja lova (odstrela) u Brčko Distriktu, kao i zbog raznih nepogoda u okruženju (požari) što je imalo za posljedicu migraciju divljih svinja na područje Grada Gradačac.

Lovačko društvo "Jelen" je zatražilo od Ministarstva poljoprivrede, šumarstva i vodoprivrede Tuzlanskog kantona saglasnost na Godišnji plan gospodarenja lovištem koji predviđa da se može odstrijeliti 15 grla divljih svinja. Nakon dobijanja saglasnosti Lovačko društvo je odstrijelilo 12 grla divljih svinja, dok će od 01.08.2020.godine moći odstrijeliti još 3 grla divljih svinja kao i 30% od visine odobrene godišnje kvote.

Zbog povećanog broja divljih svinja i pričinjene velike štete na poljoprivrednim kulturama poljoprivrednih proizvođača sa područja Grada Gradačac, Gradonačelnik Grada Gradačac u saradnji sa Gradskom službom za privredu, budžet i finansije organizovao je nekoliko puta sastanak sa poljoprivrednim proizvođačima gdje je razgovarano o prisutnosti velikog broja divljih svinja kao i pričinjenoj šteti na poljoprivrednim kulturama.

Poljoprivredni proizvođači kojima je pričinjena šteta od divljih svinja podnosili su zahtjeve o procjeni i naknadi štete Gradskoj službi za privredu, budžet i finansije. Gradska služba za privredu budžet i finansije je također dostavila zahtjev Policijskoj upravi Gradačac da joj se dostavi spisak poljoprivrednih proizvođača koji su podnosili zahtjeve Policijskoj upravi, kako bi sve te zahtjeve o procjeni i naknadi štete objedinila.

Naime, članom 73. Zakona o lovstvu FBiH je propisano da se prijava o pričinjenoj šteti podnosi nadležnom Kantonalnom ministarstvu koje je dužno formirati komisiju za utvrđivanje uzroka štete i procjenu vrijednosti.

S tim u vezi Gradska služba za privredu budžet i finansije će sve zahtjeve poljoprivrednih proizvođača objединiti i dostaviti Ministarstvu poljoprivrede, vodoprivrede i šumarstva Tuzlanskog kantona na daljne postupanje.

Također je Gradonačelnik u saradnji nadležnom Gradskom službom organizovao i zajednički sastanak sa poljoprivrednicima kao i predstavnicima Lovačkog udruženja "Jelen" Gradačac,

obzirom da preduzete mjere u vezi odstrela divljih svinja nisu dale rezultate imajući u vidu i dalje prisutan veliki broj divljih svinja.

Članom 19. stav (1) Zakona o lovstvu FBiH propisuje “Ako od zaštićene divljači nastupi direktna opasnost po život i zdravlje ljudi ili za državnu imovinu i za imovinu građana zaštićena divljač može se odstrijelit, odnosno njen broj smanjiti, bez obzira na vrijeme zaštite i godišnji plan gospodarenja.

Nakon realizacije godišnjeg plana odnosno odstrela divljih svinja u skladu sa odobrenim planom, a imajući u vidu da su se štete od divljih svinja nastavile, usaglašen je stav poljoprivrednih proizvođača, predstavnika Lovačkog društva “Jelen” kao i Gradonačelnika Grada Gradačac u saradnji sa nadležnom Gradskom službom za privredu, budžet i finansije da će Grad Gradačac shodno članu 19. stav (2) Zakona o lovstvu FBiH (“Službene novine Federacije BiH” br.4/06, 8/10 i 81/14) uputiti zahtjev Federalnom ministarstvu poljoprivrede, vodoprivrede i šumarstva za izdavanje odobrenja za smanjenje broja zaštićene divljači, a po pribavljenom mišljenju korisnika lovišta i nadležne veterinarske službe.

Obrađivač:

Gradska služba za privredu, budžet i finansije